

神農本草經會通

神農本草經會通卷之三

木部 菓部

橘皮

橘核

青橘葉

柚

香櫟子

青皮

杏核仁

杏花

杏枝

杏實

大棗

生棗

棗葉

梅實

白梅

梅葉根核

桃核仁

桃花

桃梟

桃毛

桃蠹

桃莖白皮

桃葉

桃膠

桃實

桃符

藕實莖

即蓮子

藕



藕節

荷鼻

蓮花

鷄頭實

蓬蘽

覆盆子

枇杷葉

李核仁

李核皮

李根皮

李實

荔枝子

栗

栗殼皮

葡萄

櫻桃

芟實

橙子皮

柿

附諸柿

柶柿

芋

烏芋

甘藷

沙糖

石蜜

安石榴

梨

豆蔻

木瓜實

橄欖

林檎

胡桃

海松子

榛

山查子

楊梅



柰

植實

果部

橘皮○臣也陳久者良十月採

味辛氣溫無毒○湯云氣溫味微苦辛味厚陰

○又云可升可降陽中陰也留白者積胃和

白者消痰泄氣○又云開胃去痰與藥滯逆氣

○又云散寒去痰和益肺開胃燥有草有木全

○走云寬胸散氣消痰止嘔



神農本草經會通卷之三

果部

橘皮○臣也。陳久者良。十月採。

味辛。氣溫。無毒。○湯云。氣溫。味微苦辛。味厚。陰也。

○東云。可升可降。陽中陰也。留白者補胃和中。去

白者消痰泄氣。○又云。開胃去痰。導壅滯逆氣。○

珍云。破滯去寒邪。益肺開胃。膈有草有木。益脾胃。

多用獨用。損脾胃。○走云。寬膈快氣。消痰止嘔。治

腰痛。膀胱腎氣。兼療嗽吁欬逆。



本經云。主胃中痰熱逆氣。利水穀。下氣。止嘔。欬。除
停水。五淋。利小便。主脾不能消穀氣。衝胃中。吐逆。
霍亂。止洩。去寸白虫。久服去臭。下氣通神。輕身長
年。○陶云。此是說其皮功爾。以陳者爲良。其肉味
甘酸。食之多痰。恐非益也。○藥性論云。臣。味苦辛。
治胃膈間氣。開胃。主氣痢。消痰涎。治上氣欬嗽。○
孟詵云。橘止泄痢。食之。下食。開胃膈痰實結氣。下
氣。不如皮穰。不可多食。止氣性雖溫。止渴。又乾皮
一斤。搗爲末。蜜爲丸。每食前酒下三十九。治下焦。

冷氣取陳皮一斤。和杏仁五兩。去皮尖。熬。加少蜜。爲丸。每日食前飲下三十丸。下腹臍間虛冷氣。脚氣衝心。心下結硬。悉主之。○日華子云。橘味甘酸。止消渴。開胃。除胃中膈氣。○又云。皮暖。消痰。止嗽。破癥瘕。疝癖。○啗經云。古今方書用之最多。亦有單服者。取陳皮擣末。蜜和元。食前酒吞三十丸。梧桐子大。主下焦積冷。亦可并杏子人合丸。治腸間虛冷。脚氣衝心。心下結硬者。悉主之。○象云。能益氣。加青皮減半。去滯氣。推陳致新。若補脾胃。不去

白。若理胃中肺氣。須去白。○心云。導胃中滯氣。除
客氣。有白朮。則補脾胃。無白朮。則瀉脾胃。然勿多
用也。○珍云。益氣利肺。有甘草。則補肺。無甘草。則
瀉脾。○能除痰。解酒毒。海藏治酒毒。葛根。陳皮。茯
苓。甘草。生薑湯。手太陰氣逆上而不下。宜以此順
之。陳皮。白檀爲之使。其芳香之氣。清竒之味。可以
奪橙也。○丹溪云。陳皮治高。青皮治低。氣虛弱者
少用。治脇痛。須醋炒爲佳。○集云。去白。理肺氣消
痰。留白。理脾胃消食。○劄云。陳皮味苦性辛溫。留

白和脾健胃經。去白消痰能泄氣。膈間痰熱氣須
憑。○局云。橘柚元來是橘皮。寬中下氣更溫脾。消
痰治咳除煩嘔。青者須知破積宜。○橘皮則下氣
寬中。消痰止嗽更宜止吐定嘔。除膀胱留熱停水
味甘酸無毒。○又云。治腰疼疝氣。

橘核

啣經云。凡橘核皆治腰及膀胱腎氣。炒去皮酒服
之良。肉不宜多食。令人喪帶。乳柑。橙子。性皆冷。
並其類也。多食亦不宜人。今人但取其核作塗面

藥餘亦稀用。故不悉載。○丹溪云。炒去殼爲末。酒調服。治腎疰。腰痛。膀胱氣痛。甚痛。○日華子云。核治腰痛。膀胱氣瘖。炒去殼。酒服良。橘囊上筋膜。治渴。及吐。酒炒煎湯飲。甚驗也。

青橘葉

集云。導胃脇逆氣。行肝氣。乳腫痛。及脇癰。藥中用之以行經。

柚

味辛。氣溫。無毒。

陶云。柚子皮。乃可服。而不復入藥用。此應亦下氣。
○唐本注云。柚皮厚。味甘。不如橘皮。味辛而苦。其
肉亦如橘。有甘。有酸。酸者名胡甘。今俗人或謂橙
爲柚。非也。○陳藏器云。橘柚本功外。中實橙。酸者
聚痰。甜者潤肺。皮堪入藥。子非宜人。其類有味柑。
乳柑。黃柑。石柑。沙柑。橘類。有朱橘。乳橘。楊橘。山橘。
黃淡子。此輩皮。皆去氣調中。實總堪食。就中以乳
柑爲上。○日華子云。柚子無毒。治妊孕人喫食少。
并口淡。去胃中惡氣。消食。去腸胃氣。解酒毒。治飲

酒人口氣。○晷經云。閩中嶺外。江南皆有抽。比橘黃白色而大。襄唐間。柚色青黃而實小。皆味酸皮厚。不堪入藥。今醫方乃用黃橘青橘兩物。不言柚。豈青橘是柚之類乎。然黃橘味辛。青橘味苦。本經二物。通云味辛。又云一名橘皮。又云十月採。都是今黃橘也。而今之青橘。似黃橘而小。與舊說大小苦辛不類。則別是一種耳。收之。並去肉。暴乾。黃橘以陳久者爲良。古今方書用之最多。○丹溪云。橘柚屬木。而有土與水。本草於條下叙功用。至五十

餘字。皆言橘皮之能。非橘柚之謂也。橘柚并有穰。有漿者而名之。大者曰柚。則厚於橘。衍義以柚爲橘。有無窮之患。何至是之甚耶。

香椽子

啻經云。又有一種枸

音鈎椽

音洽

如小瓜狀。皮若橙而

光澤可愛。肉甚厚。切之如蘿蔔。雖味短。而香氛大

勝甘橘之類。置之衣笥中。則清香馥馥。數日不歇。

古作五和榛

素感切

所用。陶隱居云。性溫宜人。今閩

廣江西皆有。彼人但謂之香椽子。或將至都下亦



甚貴之。

青皮

味辛。氣溫。無毒。○湯云。氣溫。味辛。苦而辛。性寒。味厚。陰也。足厥陰引經藥。又入手少陽經。○東云。沉也。陰也。破滯氣。愈低而愈効。削堅積。愈下而愈良。引諸藥至厥陰之分。下飲食入太陰之倉。○又云。快膈除膨脹。且利脾胃。○珍云。破堅癖滯氣。左壁積氣。下焦濕氣。無氣用之。損元氣。厥陰少陽有病。皆須用。臨病用時。尤當慎之。○走云。削堅積。攻滯

氣安脾下食。厥陰經藥。治下尤良。○黃橘全別。○象
滯下食。破積結。及膈氣方用之。與黃橘全別。○象
云。主氣滯。消食。破積結。膈氣。去穰。○心云。厥陰經
引經藥也。有滯氣則破滯氣。無滯氣則損真氣。○
液云。主氣滯。下食。破積結。及膈氣。或云與陳皮一
種。青皮小而未成熟。成熟而大者橘也。色紅。故名
紅皮。日久者佳。故名陳皮。如枳實。枳殼一種。實小
而青未穰。殼大而黃紫色已穰。故殼高而治胃膈。
實低而治心下。與陳皮治高。青皮治低。同意。又云

陳皮青皮二種。枳實枳殼亦有二種。○丹溪云。苦辛鹹。陰中之陽。主氣滯。破積結。少陽經下藥。又消食也。陳皮治高。青皮治低。氣虛弱者少用。治脇痛。須醋炒爲佳。○治小腹痛。須用之。瀉肝氣。勿多服。損人真氣。○劄云。青皮苦寒。攻滯氣。削堅積。治下宜良。厥陰經藥。斯能引下。食安脾。得此強。

杏核人。○惡黃芩。黃芪。葛根。解錫毒。畏蘘草。○得火良。湯浸去皮尖。熬令黃。兩仁者殺人。用須去之。可毒狗。○五月採。仍用家園種者。山杏不堪入藥。